

ciorum esset, demonstrare se causas habere ex Scriptura sufficientes, cur illis institutis inhaereant, quas tamen nunquam exponere poterunt. In Audaeorum haeresibus tale quid nihil legere ac deprehendere potuimus, etiamsi Epiphanius haeresi 70. eorum dogmata fusius recitet. Hoc saltem notamus, non potuisse Audaeos hunc errorem, qualis tamen non est, docere, ubi nemo erat, qui Poenitentiam pro Sacramento vendicaret, neque potuisse Confessionem auricularem increpare, quae nondum fuerat in usu: ut DALLAEUS erudito libro declaravit, a quo si in nonnullis nobis discedendum sit, hac tamen parte abeundum non putamus.

§. XXI.

Nondum criminationum finis aut modus est. Quando in S. coena a fermento Pontificio repurganda omnem operam posuerunt pii Confessores, repetito convitio nobis EUTYCHIS haeresis objicitur, quam committamus, dum praesentiam corporis & sanguinis Christi in Eucharistia ex articulo de unione hypostatica duarum in ipso naturarum deducimus, & possibilitatem ejus demonstramus, cum tamen doctrina nostra, ut supra deductum, quae de illa unione agit, totam Eutychianismi machinam plane prosternat & disjiciat. Conf. GERHARD. Conf. Cath. L. II. P. II. Art. XV. p. 1242. & Praefat. Libri Concordiae nostri. Porro AERII notam nobis in urere cupiunt, quando admittere nolumus Missam supersticiosam & offertoria pro defunctis, tanquam certas notas Anti-Christi, a quibus omni studio abstinendum putamus. Nihil illis in hoc articulo solennius: *Aeriani Haeretici*, sic Bellarminus scribit, *teste Epiphanio haeres. 75, tres errores docuerunt, orare vel offerre pro mortuis oblationem non oportere, nec statuta solenniter celebranda esse jejunia, sed cum quisque voluerit, jejunandum, ne videatur esse sub lege l. c.* Eadem docent &

E

faci-